

INUIT ATAQATIGIIT INATSIARTUNI



UPA 2015/82
19. marts 2014
Peter Olsen

Uunga siunnersuut: Pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaata allanngortinneqarneranik Inatsisartut inatsisaat:

(Aningaasaqarnermut Aatsitassanullu Naalakkersuisoq)

Naalakkersuisut siunnersuuteqarput sulisut akissarsiassaa akileraarutaasa akiligassaasalu akileraartarnermut pisorta qarfimmuut nalunaarutigineqartussaataa nerisa ulluisa piffissaliunneqarsimanerat, killissaliunneqarsimanerata allanngortinneqarnissaa, qaammatisiutit 20-ataminngaaniit qaammatip aallartinnerata ulluata aallaqqaataanut nuutsillugu.

Tassa imaappoq nalunaaruteqartussaataaneq ullunik aqqaneq marlunik nikisillugu – kinguartillugu, immaqaluunniit siuartillugumik aamma oqaatigineqarsinnaasumik.

Tamannalu pillugu matumuuna Inuit Ataqatigiit siunnersuut imatut oqaaseqarfigissavarput:

Naalakkersuisut taamatut allannguutissatut siunnersuuteqarnerminni tunngavilersuutigaaat pitsanngorsaanaasq pisariillissaanissarlu.

Naak naalakkersuisut tamaatut tunngaveqarlutik siunnersuuteqarnerat paasilluarsinnaagaluarlugu, taamaattoq inatsisissatut siunnersuut inatsisartunut saqqummiunneqannginnermi eqqortumik tusarniutigineqarsimannginnera uparuangitsoorsinnaanngilarput.

Nassuiaammi takuneqarsinnaavoq juuni naalersoq julillu aallartinnerata missaani 2014 inatsisissatut siunnersuut tusarniutigineqarsimasoq. Tusarniaffigineqarsimallutik suliffeqarfiit kattuffiillu attuumassuteqarsinnaasut arlalippassuit, ilaatigut soorlu makkuusut;

KANUKOKA, Kalaallit Nunaanni Sulisitsisut Peqatigiiffiat (GA), NUSUKA, S.I.K., KNAPK, KPMG Grønland, Deloitte, Grønlands Revisionskontor, Aalisarnermut, Piniarnermut Nunalerinermullu Naalakkersuisoqarfik aamma Inuussutissarsiornermut, Aatsitassaqarmut Suliffeqarnermullu Naalakkersuisoqarfik.

Tusarniaanerullu inernilerneqarnerani takuneqarsinnaavoq tusarniaffigineqarsimasuninngaaniit taamaallaat pingasuinaat kisimik akissuteqarsimasut, tassaasut Kanukoka, GA aamma SIK.

Kanukokallu akissutigisimasaa maluginiannngitsuugassaannngilaq; naatsumik oqaatigalugu imatut paasineqarsinnaasumik akissuteqarsimammat: "Uagut akissuteqarsinnaanngilavut pissutigalugu julip qaammataani tusarniaasoqartannginnissaa isumaqatigiissutiginikuugatsigu".

Amerlasoorpassuillu tusarniaassutigineqartumut akissuteqarsimannginnerisa, takussutisartariinnarpaa piffissaq tusarniaanermut atorineqarsimasoq pitsaavallaarsimanngitsoq.

Immaqami aamma tamanna tamatta qangali nalunngereeraluarparput, tusarniaasarnermut piffissaliunneqartartut tamatigorluinnangajak naammagittaaliutigineqartuaannangajattu-uumata; Piffisaqarpiartinneqarani qaammatip ataatsip iluinnaani akissuteqartussaaitaneq naammagineqanngilluinnartarpoq, tamannalumi allanngortinneqartariaqaleraluarpoq.

Piffissaq manna iluatsillugu apeqqtigerusunnarpoq naalakkersuisut akileraartitsisarnerup akiliisitsiniartarnerullu kommunerujussuit pilersinneqarnerisa kingorna kommuniniit qitiusumut Nuummut aqunneqartussanngorlugit nuunneqarsimasut Kommuninut uterteqqinniarlugit suliniuteqarniarnersut, tassami tamatta paasereersimalerparput qanganngulerporli kommuniit suaartaatigilersimammassuk akileraartitsisarneq, akiliisitsiniartarnerlu nammineq tigoqqikkusullugu, massakkut ingerlaaserineqartoq naammagineqarunnaavissimavoq kinguarsaataaginnartutullu isigineqalersimalluni. Apeqqt apeqqtigisarparput akineqarsinnaassappat qujanassagaluarpoq.

Taamaatumik tamanna tunngavilgugu; Inuit Ataqatigiinniit siunnersuutigissavarput, inatsisissatut siunnersuut aappassaaneerineqannginnermini tusarniutigineqaaqqaassasoq, tusarniuussutigineqarnissallu pillugu naalakkersuisunut utertinneqarallassasoq.